



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Qvaestio XXI. De his quæ consequuntur actus humanos quatenus boni sunt, vel mali.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

QVÆSTIO XXI.

De his quæ consequuntur actus humanos,
quatenus boni sunt vel mali.

*Sex affe-
tiones
Actuum
humano-
rum.*

Agit D. Thomas hac quæstiones de sex veluti affectionibus, quæ consequuntur actus humanos, quatenus boni vel mali sunt: quæ sunt, *rectum*, *peccatum*; *Laudabile*, *culpabile*; *meritorium*, *demeritorium*.

Vt autem intelligatur quomodo haec possint distingui, Notandum est, *bonum* & *rectum*, *malum* & *peccatum*, parum differre: Nam paucum pro eodem à Patribus & Doctoribus vñfūrpantrur.

*Quis
Actus bo-
nus & ma-
lus,*

Videtur autem hoc modo posse optimè distingui, vt actus dicatur *Bonus*, quatenus est confitaneus naturæ rationali. *Malus*, quatenus eidem naturæ est dissentaneus. *Bonum* enim & *malum* dicunt ordinem ad aliquod subiectum, cui aliquid commodi vel incommodi adferant:

*Quis Re-
ctus &
Peccatum.*

Rectus vero, quatenus est conformis sua regula, sive hæc sit ratio recta, sive lex æterna. *Peccatum* autem quatenus aberrat à sua regula. Quod confirmatur à simili in artibus. Dicitur enim quis recte operari, si iuxta præscriptum & regulam artis operetur: peccare vero dicitur in

operando, si à præscripto artis discedat. Vnde D. Augustinus & Ambrosius definiunt peccatum ex ordine ad legem diuinam, vt infra patebit.

Dicitur *laudabilis*, quatenus est bonum liberum. *Culpabilis*, quatenus est malum liberum. Itaque *laudabile* & *culpabile* supra rationem *boni* & *mali*, *recti* & *peccati*, includunt libertatem, quam illarum ratio generatim considerata non includit, sed solùm si consideretur quatenus formaliter habet esse morale.

Denique dicitur *Meritorius*, si fiat in commodum vel obsequium alterius. Ideò enim opus meretur aliquod præmium ab aliquo, quia cedit in ipius commodum vel obsequium: hinc enim fit, vt ille vel ex iustitia, vel certè ex gratitudine aut fidelitate teneatur compensare. *Demeritorius* dicitur, quatenus in alterius cedit iniuriam seu offenditionem. Itaque ratio *meriti* & *demeriti* aliiquid addit supra rationem *boni* & *mali*, *laudabilis* & *vituperabilis*, scilicet, quod fiat in commodum vel incommodum alterius.

F I N I S.



AVCTARIUM